

# Isku

2



Texto de Comunicación del 2-Primaria



PERÚ

Ministerio  
de Educación

# La ciudadana y el ciudadano que queremos



**Curriculum**  
Nacional

# Isku

# 2



Texto de Comunicación del 2-Primaria



Ministerio de Educación

Dirección General de Educación Básica Alternativa, Intercultural Bilingüe  
y de Servicios Educativos en el Ámbito Rural

Dirección de Educación Intercultural Bilingüe

## Isku 2

### Texto de Comunicación del 2º Primaria - Cashinahua

©Ministerio de Educación  
Av. De la Arqueología cuadra 2, San Borja  
Lima, Perú  
Teléfono: 615-5800  
[www.gob.pe/minedu](http://www.gob.pe/minedu)

Primera edición, 2023  
Tiraje: 96 ejemplares  
Impreso en octubre 2023

#### Elaboración de contenido

Alberto Roque Toribio

#### Revisión lingüística

Emilio Montes Bardales

#### Validación participativa

Giovanni Kirino Rodriguez

#### Asesoría y revisión técnica (Digeibira-DEIB)

Tomas Junior Gómez Moreno

#### Diseño y diagramación

Gabriela Verita Malpaso León

#### Ilustraciones

Archivo Digeibira - DEIB

#### Cuidado de edición

Roxana Elizabeth Guanilo Pareja

#### Impreso en:

Press Off Graphics E.I.R.L  
Av. México 2513, La Victoria - Lima  
RUC 20504593224

Hecho el Depósito Legal en la Biblioteca Nacional del Perú N.º 2023 - 07764

Todos los derechos reservados. Prohibida la reproducción de este libro por cualquier medio, total o parcialmente, sin permiso expreso de los editores.

Impreso en el Perú/*Printed in Peru*







## Xabakabiwai



Betxipaitibu, tapinnikan:

“Isku 2” nadan kene yuiti mina besti mia axunxinabuki. Kene tibi betsа betsа hayaki min mae anuxun hamapai daya tibi min wamiskididan: bakawadan, tsakadan, banadan, tsekadan, hiwewa tibidan, itxawadan, timabu inun xuxawa tibidan.

Na kene bestibu tibi anuadан min unankin tapintidu inun min beya anua unannebabu inun beyus betsа betsа tibi min betxi xanaai.

Kene tibidan daya tibibe ketaxameaki min ha kene yuiyai anu medabewakin mia tapinmaxanikiki, min haibubaibu ainbu inun huni hatu betan man atiduki, min yusinan ainbu kasmai hunin mia medabewadan, hanua min ibubu inun min mestebubu hatu yukadiawanwe.

Min betxipai menkaindan na “Isku 2” dan.

¡Benimayabi dayawe!

## 1

Daya



### Bakawadan

9

Bakawa kidi en tapinaai	10
Yuinankanwe	11
Yudabu betsabu kidi yuinankanwe	15

## 2

Daya



### Hiwewan

17

Hiwewaibu kidi en tapinaai	18
Yuinankanwe	19
Yudabu betsabu kidi yuinankanwe	23

## 3

Daya




### Banadan

25

Bana kidi en tapinaai	26
Yuinankanwe	27
Yudabu betsabu kidi yuinankanwe	31

## 4

Daya



### Itxawan

33

Itxawa kidi en tapinaai	34
Yuinankanwe	35
Yudabu betsabu kidi yuinankanwe	39

# 5

Wayda



## Tsekadan

41

Tseka kidi en tapinaai	42
Yuinankanwe	43
Yudabu betsabu kidi yuinankanwe	47

# 6

Daya



## Xuxatibudan

49

Tseka kidi en tapinaai	50
Yuinankanwe	51
Yudabu betsabu kidi yuinankanwe	55

# 7

Daya



## Miman wandan

57

Mimantibu kidi en tapinaai	58
Yuinankanwe	59
Yudabu betsabu kidi yuinankanwe	63

# 8

Daya



## Tsakadan

65

Dau xiadabu pe wa kidi en tapinaai	66
Yuinankanwe	67
Yudabu betsabu kidi yuinankanwe	71



## 1

Daya

## Bakawadan



Dami uinwe, hantxakene yuiwe hanua hantxawe.

Hanu peiyabu hawen kena inu bitxu inun txadax mapuabukendan, huni kuin yudabundan ma pe wakanikiki baka bi ka katsidan. Hanu peiyabu kaya mamaki nuydbaunaibudan baka itxapa txakai haya bana bimanamei imisbuki. Dasibundan ha badiditian bakawa papa wa unankanikiki. Yudabun bakawa taea wa katsidan, hene yuxibu ibubu yukayumisbuki.



- 1 Dami uinwe hanua min haibubaibube hantxawe. Mia bedabe watiduki yuka ika tibi ibainadan.



- ¿Hawa abainti yudabun akani?
- ¿Hawa mabubu mekani?
- ¿Hawa wakani ha hene anua mibiaibudan?

- 2 Eskatiandan, min unaki yuka ikabu kemawe.

- a. ¿Yudabundan hawa wakani hadukun dami anuxundan?
- b. Dami wawe hanua mabubun kena netanwe ha yudabun bakawa katsi memisbudan.
- d. ¿Tsuabu akani bakawakindan?

- 3 Yuka iwe hawa min nabun unannepabu betsawen bakawai kati tapinkanimenkaindan hanua min unaki kenewe.



- 1 Kene yuidiamma, dami inun kene mamakia uinwe.  
Hakatxu min haibubaibube hantxawe.

## Xeamatiwen baka biadan



- a. ¿Hawa dami taxni?
- b. ¿Hawa kidi datan akai min xinanai hantxakenedan?
- c. ¿Hawa min unanai xeamatiwen baka bia kididan?
- d. ¿Hawa katsi hantxakene nun yuiai?
- e. ¿Hatianda bestidan min yuima yudabu inun, hamapai inun yuinaka datan akadan? Min haibubaibube hantxawe.

## Xeатидан

Xeamatidan  
mabu betsa  
ikikiki hawen  
kaya anu inun,  
ian anu inun  
nuawan anuxun  
baka bikin  
metikidan.



Xeamatidan  
mane dispi xeweki watiki ha nylon yumenki  
baketidan hanua hi tuax pixtaki kasmai ewapaki  
adiatiki.

Xeamatidan nami xeitxiti ikikiki hawen baka  
xiadabu bikin hawentantidan.

Xeamatidan haskasma keyatapabuyaki.  
Xeamati ewapabudan hawen baka bi  
katsi metiki baindan, yapawandan hanua  
bunkudan habudan baka ewaskabuki. Xeamati  
pexeixtawendan xapadan, tunundan habu bitiki,  
haska wakindan ha paxayamanun kutantiki  
baka pexeitabukendan.

Baka bi kaidan, bakeixtabundan hatun ibubu  
txibanmisbuki hanua xeamatibu pexeixtabuwen  
amamisbuki.

Autor: Emilio Montes Bardales

**3 Txipu kene yuitandan, kemawe hanua min unaki ma kemaka kenewe.**


- a. ¿Hani xanen anuxun xeamatiwen baka biti?
- b. ¿Hawa mabubu yupati xeamati wa katsidan?
- c. ¿Hawa katsi xeamati ewaskabu nun memis?

**4 Hantxakene anu hantxa xiadabu betxiwe hanua habu tibi min metituwen metuwe.**

bakawa - kaya - ianbu - mabu - xamatibu

- Hantxa xiadabu dexun keben anua min kene watibu xekatiwen kekuwe hanua min unaki kenewe.

**5 Dami xiadabu uinwe hanua yuka ika kemaka min unaki kemawe. ¿Haskada baka yapaixtadan?**



## 6 Yuiwe hanua haskadai uinwe, txipu yuka ikabu ibaina min unaki kemawe.

Yapaixtabudan xeamati pexeixtawen bitiki hakia hawen kexa pixta hayakendan, haska wakindan hau hantsekeyamanun kutankin atiki.

Xeamati pexeixtawen bitiki.

.... hau yapaixta hantsekeyamanun atiki

- ¿Haskakin yapaixta xeamati pexeixtabuwen bitimen?
- ¿Haskakin yapawanbu inun bain xeamati ewapabuwen bimisbumen?

## 7 Hawendi hantxakenen kenekekua tibi yuiwe hanua xabakabiwen kemawe.

¿Hawa hantxai kenekua tibi anudan?

¿Hawa kidi kaya datan aka na hantxakenedan?

¿Hawa katsi hantxakene kenexina?

## 8 Abaintibu ibaina min unaki awe:

- Min kemaxu dami wawe. ¿Min kaya anu kaidan, hawa baka xiadabu min bitidu? ¿Haskakinmen?
- Piti xiadabu dami wawe ha min hiwetanxun baka bixun ba waibudan.




# Yudabu betsabu kidi yuinankanwe

3

- 1 Yudabu betsabun bakawa ninka katsi yuinankanwe.

## Asháninka yudabu anuxun bakawadan

Ashaninkabundan bakawa  
haskasma tibi akanikiki:  
piakuinwe tsakakindan,  
xeamatiwen bikindan,  
txadawen txatxikin inun  
hisinwen bikin akanikiki.



Bakawai kadiamadan,  
hunibundan “baste” nakatan kuxiu amisbuki hatun  
mekenkidan, piakuinkidan, xeamatikidan, hanua  
hisinkidan baka bikin pepa wa katsi amisbuki.

Ashaninka yudabunadan “bakawa pepa” wakin  
hatu nabu inanbaunadan mawa mestennepa  
haidaki hanus hiwe katsidan. Bakadan nuku  
nabubetan pitiki hakia pi xuai kuxipati haya  
haidaki.

Hatun aki:

- 2 Txipu hantxakene yuitan, min unaki kemawe:

- ¿Hadatu yudabu kidi hantxai hantxakene anudan?
- ¿Asháninka yudabundan hawa abainti akaní?
- ¿Asháninka yudabundan haska wamisbu  
bakawakindan?

3 Min unaki dexunkeben wawe hanua hantxatxaipabu nati

Hantxatxaipabu	
Ashaninkabun baka bikin wakindan hatun ....	
Baste bixki akindan mekenki inun mabubu ...	
Hatu nabu baka xiadabu paxkaxunkindan ...	

4 Yuiwe hanua min unaki kenewe:

- ¿Hawa katsi hantxakene kenexu?
- ¿Haskakin baka bidiamma “baste” memisbu?

5 Hantxakenen paxka betsa ikaina yuiwe. Txipu kemawe.

Ashaninka yudabunadan “bakawa pepa” wakin hatu nabu **inanbaunadan** mawa mestennepa haidaki hanus hiwe katsidan.

¿Haskatan min atidu min haibubaubube “inanbauni ikidan”?

6 Xinanwe hanua min unaki kemawe.

¿Yuka ikabu yuikin inun kemakindan atixiada min axu? Yuiwe.

¿Min hawa watidu kene unanki pepaduakabi wakunbain katsidan?

## 2

## Hiwewadan

Daya





Dami uinwe, hantxakene yuiwe hanua hantxawe.



Huni kuin yudabu nitsukus anu senkei inun xenpan bi hikidiabumadan, ni ibu yukayumisbukiaki, kuman ea akin yukakindan senkekin pepa wa katsidan, hepe inun xenpan bikin hamen akatsidan. Hadikabi bai namakia yutekatan yumantidu yukamisbuki.



- 1 Dami uinwe hanua min haibubaibube hantxawe. Mia bedabe watiduki yuka ika tibi ibainadan.



- ¿Hawa abainti akani yudabundan?
- ¿Tsuabun aki ikani?
- ¿Hawa bestibu tibitun dayati senen wakani?

- 2 Eskatiandan, min unaki yuka ikabu kemawe.

- a. ¿Hadukun dami anua yudabundan hawa wakani?
- b. ¿Haskada taxnitani yuxin ukedibukindan?  
¿Haskadawen haskasmatani?
- d. Dami wawe hanua mabubun kene netanwe ha yudabun hiwe xiadabu wa katsi meaibudan.

- 3 Yuka iwe hawa min nabun unannebabu betsawen hiwe xiadabu wati tapinkanimenkaindan hanua min unaki kenewe.



- 1 Kene yuidiamma, dami inun kene mamakia uinwe.  
Hakatxu min haibubaibube hantxawe.

## Hiweixta bena bestitxai



- a. ¿Yuda dami anuadan hawa wai iki?
- b. ¿Hawa kidi hantxakene datan akai min xinanai?
- c. ¿Hawa min unanai hiwe xewa kididan?
- d. ¿Haska watan tuduhiwe watidan min unan katsis ikai?
- e. ¿Hatiandan besti tuduhiwe wa kidi hantxakenedan min yuima? Min haibubaibube hakidi hantxawe.

## Hiweixta bena bestitxai

Badiantian ma penaken, Jose inun, Bernabe inun Felix, nitsukus anu buxun hepe pei, hi xiadabu benibuki hiwe bestitxai bena wa katsidan.

Kakunkaintan, xepan pei inun hepe kania pei betxinibuki hanua hiwetan buxun pedis atan badin tsusin wanibuki hawa hau ui ikin txakabu wayamanundan.

Hawen henekin, xepan ma tsusinken depuatan xewatiki hanua xepedan paxa xewatiki hiwe bena wakindan.



**3 Txipu kene yuitandan, kemawe hanua min unaki ma kemaka kenewe.**

- a. ¿Hawa mimantibu kaniabu ini?
- b. ¿Hawa wati hanu ma xepan tsusinkendan?
- c. ¿Bernabé inun Felixdan hani bunibu?

**4 Yuka ikabu yuiwe hanua min unaki kematan kenewe.**

¿Haskatan  
iniyui  
tatesekei?

¿Txipudan  
hawa haskai?

¿Haskatan  
iniyui deskei?

**5 Inibu ibaina yuiwe hanua min unaki kenekin  
kekunbainwe.**

Txipu bukunbainkin hiwe wati hixau xiadabu  
betxinibuki.

Bernabé inun Felix hi bi nitsukus anu bunibuki.

Xenpan pedisdan badin atiki hau ui ikin txakabu  
wayamanundan.


Hanu ma xepan pedis tsusinkendan hiwe  
xewatiki.

6 Min haibubaibube hantxawe hanua na yuka ikabuwen kemaka kidi hantxakanwe.



7 Yuiwe hanua min unaki na yuka ikabu kemawe:

- ¿Abainti xiadabu yuikin menetan akindan min atixiada axu?
- ¿Hawa bika xiadabu min betxixu?
- ¿Haskatan min peduakabiai?





# Yudabu betsabu kidi yuinankanwe

3

- 1 Yudabu betsabun hiwewa ninka katsi yuinankanwe.

## Asháninka hiwedan

Yudabu asháninkabun  
yuidan hiwedan “mae”  
ikikiaki hakia hadan heman  
mekenan ikikiki hanua hatu  
nabu hawen nabuya inun  
hatun yudabuya hanu  
itxamisbudan.



Asháninkabun hatun hiwe anuxundan ba  
wakanikiki, patsakindan, daudubaunkindan,  
xezi xemekindan, atsa mutsakindan hanua  
huindukunkanikiki.

Hanu asháninka hatu nabuya ikinan inun hawen  
nabuki inun habe hiweabuki baaidan, mawa atsa  
mutsa atxakayamamisbuki. Hatu nabuya baidan,  
hanus yuda dasi itxamisbuki hanua mae anua  
kedextan haibunamei pepai imisbuki.

Hutun akai

- 2 Txipu hantxakene yuitan, min unaki kemawe:

- ¿Hadatu yudabu kidi hantxai hantxakene anudan?
- ¿Haskakin asháninkabun hiwe yuiki “mae” keska wakani?
- ¿Hawa abaintibu asháninkabun hatun hiwe xiadabu anuxun akani?

### 3 Min unaki ikunkayabi yuikeyanbu kenewe.

Hiwedan xanen mekenan ikikiki.

Asháninkabundan hatu ikin kasmai hadapi ikabun hiwe anu bakanikiki.

Hunibu besti hadapi ikabun hatuki ba imisbuki.

Hatu nabudan benimayabi abaintibu akanikiki.

### 4 Yuiwe hanua min unaki kenewe:

- ¿Hawa katsi hantxakene kenexina?
- ¿Hawa abaintibu min nabun hiwe anuxun akani?

### 5 Hantxakenen paxka betsa ikaina yuiwe. Txipu xukutan kemaka yuiwe.

Hatu nabuya baidan, hanus yuda dasi itxamisbuki hanua mae anua kedextan haibunamei pepai imisbuki.

¿Mestennepamen hawen nabuya inun maebuya hanus ikadan? ¿Haskaimen?

### 6 Xinanwe hanua min unaki kemawe.

¿Hawa min waxu yuka ikabbu kema katsidan?  
Yuiwe.

¿Hawa min atidu kene yui pepa wa katsidan?

## 3

## Banadan

Daya



Dami uinwe, hantxakene yuiwe hanua hantxawe.

Manan bai xiadabu waxun bana katsidan, huni kuinbundan uxe txibankin amisbuki. Hanu ma uxe bena taxniken hatun dayati mabubu pe wakeaketan hanua penama haida hatun bai xiadabu anu bumisbuki.

Banakin tae wadiamadan, uxe dua wamisbuki ha yunu iki pepa ixanundan.



- 1 Dami uinwe hanua min haibubaibube hantxawe. Mia bedabe watiduki yuka ika tibi ibainadan.



- ¿Hawa yunu banai ikani?
- ¿Hawa dayati mabubu bana katsi mekani?
- ¿Hawa pe watimen yunu banatiwendan?

- 2 Eskatiandan, min unaki yuka ikabu kemawe.


- a. ¿Dami tibibu anua yudabundan hawa wakani?
- b. ¿Hawa min unanai atsa bana kididan?
- d. ¿Tsuabu imisbu banaidan?

- 3 Yuka iwe hawa min nabun unannebabu betsawen atsa bana kidi tapinkanimenkaindan hanua min unaki kenewe.



- 1 Kene yuidiamma, dami inun kenen kena mamakia uinwe. Txipu min unaki kemawe.

## Xeki




- a. ¿Hawa dami taxnitani?
- b. ¿Hantxakenedan hawa kidi yuia? ¿Haskakin min xinanai?
- c. ¿Haskada ketameabu min uinyai kena mamakia inun damibedan?
- d. ¿Hawa katsi hantxakene min yuitidu?
- e. ¿Hatianda besti miyui bestitxaidan min yuixina? ¿Hawa haskada ika xiadabu haya? Min haibubaibube hakidi hatxawe.

## Xeki

Xekidan bedu  
 mispuyaki ikikiki taxu  
 txaipabu hayaki ha  
 2 unu 3 ti tanatidan.  
 Hawen peidan nenke  
 txaipabuki hanua  
 yudiduakabiki.

Xeki bana tibi tueidan  
 7 hexku, bimiyabu  
 imiski. Hexkubudan  
 peiyabuki,  
 hexeyabuki, buyaki.  
 Habiati budan  
 paxinbuki hakia xeki bets-a-betsapa tibi hayaki  
 habudan huxupaki, paxinipaki, ankunki, taxipa  
 inun kudupaki.

Xekidan pitiki habia selva anua mae xiadabu  
 anuxun pitxakayamamisbuki, imaxun pikindan,  
 huaxun pikindan, tubanxun pikindan hanua  
 tuban mabex huxu mabex wamisbuki.



**3 Txipu kene yuitandan, kamawe hanua min unaki ma kemaka kenewe.**

- a. ¿Hani hatixun xeki miban keyatapai tanati?
- b. ¿Xekidan hawa wamisbu?
- c. ¿Hawa yuia iki “hexkudan”?

**4 Yuka ikabu yuiwe hanua min unaki kemaka kenewe.**



- ¿Hadatu yuikayabi ikaina ikunmen?

Hexkubudan  
peiyabuki,  
hexeyabuki,  
buyaki.

Xeki tibibu besti  
hayaki: huxupadan,  
taxipadan hanua  
kudupaki.

**5 Dami xiadabu uinwe hanua min unaki kemaka kenewe.**

- ¿Hati hexkubu xeki miban hayatidumen?



6

## Min haibubaibube hantxawe hanua na yuka ikabuwen kemaka kidi hantxakanwe.



7

## Yuiwe hanua min unaki na yuka ikabu kemawe:

- ¿Abainti xiadabu yuikin menetan akindan min atixiada axu?
- ¿Hawa bika xiadabu min betxixu?
- ¿Haska watan min peduakabi watidu?



Min unaki miyui txixte min mae anuxun yunubu banati kidi kenewe. Damibe ketaxa hakimayamawe.



# Yudabu betsabu kidi yuinankanwe

3

1

## Yudabu betsabun bana kidi ninka katsi yuinankanwe.

### Shawi yudabu anuxun banaidan

Eadan en Pedroki Shawi yudadan. En mia yuiiaai en nabun bana katsidan hadukun pe wayutan amisbuki.

Hadukun banadiamadan en epandan dayapiti watan hatu kenayumiski ha bana medabe wanunbundan.

Hanu badiditian banakindan, en epandan nuku penama besten wamiski kaya anu nun naxinundan hanua Kumpanamá kuxipa nun biaai. En ewandan cuñushca wamiski nuku nabu bexun nuku bedabe wai beabu manakindan. Txipu, ewa betsabubetan, dayapiti ba waikiki. Ha haska waibun, nukudan nun beyusaai, hakia bana anu nun katidumaki.

Txipu banatan, dasibistun pikanikiki hanua atsa mutsa tsoui tudubaunxun nuxumisbuki, hantxai benimakindan.



Adaptación

2

### Txipu hantxakene yuitan, min unaki kemawe:

- ¿Haskatan shawi hatu nabubetan bana katsi pe wakani?
- ¿Tsuabu shawi banai ikani?
- ¿Hawa besi imisbu shawi hawen nabuya atsa banadiama ikidan?

3 Min unaki kenewe ha shawi hawen nabuya ibaunkin haskatan amisbu ibaina anudan.

Banai idiamma

Banai napunman

Txipu banatan

4 Min haibubaibube hantxawe hanua medibi xukutan hawen kemaka kidi hantxawe.

¿Min uinadan hantxakene txaniaidan mestennepa?  
¿Haskaimen?

¿Hadatu min uinai shawi yudabu inun min yudabun banadan?



¿Hawe min hawa watidu hantxakene txaniaidan?

¿Min uinadan yuda betsabun medibi bana unanti wadan pemen?  
¿Haskaimen? Yuiwe.

5 Xinanwe hanua min unaki kemawe.

¿Yuikin kayakin inun yuka ikabu atixiada min kemaxu? Yuiwe.

¿Hawa min atidu kenyui pepaduakabi wakubain katsidan?

## 4

Daya

## Itxawadan



Dami uinwe, hantxakene yuiwe hanua hantxawe.

Huni kuin yudabundan badi xekekauni hanu bimiaitian buxun bimi xiadabu tsekatan itxawamisbuki. Hanu badianai inun uiyaitiandan nitsukus anua bana bimanameikiki bimi itxapa ha piti nun betxinundan. Itxawakindan kuki xiadabuki amisbuki.

Badian ikaitian itxawakindan bumewandan, xebundan, banindan, pupudan hanua uiyatian itxawakindan xenandan, ixtxibindan, hepe bimidan ati amisbuki.



- 1 Dami uinwe hanua min haibubaibube hantxawe. Mia bedabe watiduki yuka ika tibi ibainadan.



- ¿Dami anua yudabundan hawa wai ikani?
- ¿Hawa mimanti mabubu mei ikani?
- ¿Haskada xanen iki hanu yudabu haya anudan?

- 2 Dami xiadabu uinwe hanua min mae anuxun yunu xiadabu itxawaibu kidi hantxawe.



- 3 Yuka iwe hawa unannebabuwen min nabun itxawa tapinkanimenkaindan hanua min unaki netanwe.



- 1 Kene yuidiamma, dami inun hantxakene kena uinwe, txipu min unaki kemawe.

## Banin mutsa



- a. ¿Hawa hantxakene tibi iki?
- b. ¿Haskatan min unanxu?
- c. ¿Hawa ketaxamea min betxiao mamakia kena inun damibedan?
- e. ¿Haskakin na hantxakene nun yuiai min xinanai?

- 2 Hatianda besti hadidi atidan min yuima. ¿Hawa haska wabainti haya? Min haibubaibu ainbu inun hunibe hantxawe.

3

### Hantxakene ikaina yuiwe min yusinan huni inun ainbun medabewandan.

## Banin mutsa

### Hatibu

- Banin
- Tawa bata



### Hadi ba wati

1. Banin bimi texu textetan hanua txukawe.
2. Kentiki unpaxyabi ba wakin pitxatiki hau babunundan.
3. Txipu banin tux atiki deutan txuxiawe habia kuaidan, hanua tawa bata eskadabes kapanwe.
4. Hau matsinun henewe xiumuki inun kentiki adu katsidan.
5. Badidi betsatian ma peki tsistatan inun mutsaxun akidan.

**4 Txipu kene yuitandan, kematibu hantxakene anua betxiwe hanua min unaki kenewe.**

- a. ¿Hawa hatibuwen atiwen banin mutsa wakin memisbu?
- b. Hantxakenewen taeadan ¿Hawa yuia iki txuxiadan?
- c. Tawa bata deukindan ¿banin txuxiakin adiamma ati haskama txipu atidaka?

**5 Ana hantxakene yuiwe hanua min unaki kenekin kekun pe wabainkindan haska watan anu puayabi paxin wakin ba wa katsidan.**

Banin itxapa kenti unpaxyaki deuwe.

Badidi betsatian nemuskin tuenwe hanua ma mutsa awe.

Banin kuai tux atikixun txuxiawe.

**6 Hantxatxaipabu ibaina yuiwe hanua min unaki hadukun tekikainai dami wawe.**

a. Hanu babuai anu ba wawe.

b. Mutsa tuentan hanua beaxun awe.

7

**Min haibubaibube xukutan hantxawe hanua xabakabi kemakanwe:**

¿Habu atidan mestennepa iki txibanki teki wabaintidan? ¿Haskakinmen?

Habu atiwe taeadan ¿Haskatan nun unanai ma nami mextekeyudan?

8

**Hantxa tude yuiwe hanua min unaki dami wawe.**

Banin

Tawabapa

Unpax

9

**Yuiwe hanua min unaki na yuka ikabu kemawe:**

- a. ¿Abainti xiadabu yuikin menetan akindan min atixiada axu?
- b. ¿Hawa bika xiadabu min betxixu?
- c. ¿Haskatan min peduakabiai?



# Yudabu betsabu kidi yuinankanwe

3


- 1 Yudabu betsabun itxawai ninka katsi yuinankanwe.

## Kichwa de Lamas yudabu anuxun itxawadan

Kichwa yudabu mae  
kesua San Martín  
anuadán provincias de  
Lamas, San Matín inun  
El Dorado anu ikabuki.

Itxawakindan hatu  
nabubetan inun hadapi  
hiweabubetan akanikiki,  
ainbu himi iki besti itxawai katimakiaki hakia bimi  
txapumiskiaki.

Hanu itxawakindan kuki inun, kenu inun, hi txaipa  
inun dispiwen amisbuki, dasibibu imisbuki  
hanua dayati bets-a-betsapa hayabukiaki.  
Habia dasibidan bakeixtabuns amisbukiaki bimi  
hanusbu wakindan.



- 2 Min unaki kemawe:

- ¿Tsuabuki hantxai iki hantxakene anudan?
- ¿Hawa yuia iki “hanusdan”?
- ¿Haskai ainbubaibu hini ikaibu itxawai butidubuma?

**3 Hantxatxapabu ibaina yuiwe hanua hantxakene  
kekubainawen taea kenekin pe wawe.**

Bakeixtabundan habuan bimi hanus wakanikik.

Itxawakindan hatu nabu inun hadapi ikabubetan  
amisbuki.

Hanu itxawatiandan bets-a-betsapa mabu  
xiadabu memisbuki.

**4 Min haibubaibube hantxawe hanua medibi xukutan  
kemakanwe.**

¿Mestennepa  
min wai  
nemati  
inun yunuti  
hadi itxawa  
katsi unanti  
wakindan?  
¿Haskaimen?  
Yuiwe.

¿Min uinadan  
mestennepa  
ixu hantxakene  
txaniaidan?  
¿Haskaimen?



¿Hawa haskada  
keskadi min  
betxiao kichwa  
yudabu inun  
min yudabun  
itxawaibudan?

## 5

Daya

## Tsekadan



Dami uinwe, hantxakene yuiwe hanua hantxawe.

Hanu huni kuin yudabun isa pididix keuai ninkaidan, mawa benimamisbuki, hakia hadan bana bimanamei ikikiaki ma tsekatiankendan.

Hanua pididix keui “han han han handan” ikayadan tseka hamen ati bana bimanamei ikikiki; haskama keui “txan txan” ikayadan yudabu punu nukamisbuki hakia hawa yunu xiadabu tseka txakama ixanaya bana bimanameayadan.



- 1 Dami uinwe hanua min haibubaibube hantxawe. Mia bedabe watiduki yuka ika tibi ibainadan.



- ¿Hawa daya abainti akani yudabundan?
- ¿Hawa mabubu mekani?
- ¿Hawen hawa watimen na yunubuwendan?

- 2 Eskatiandan, min unaki yuka ikabu kemawe.

- a. ¿Hadukun dami anua yudabundan hawa wakani?
- b. Dami wawe hanua yudabun tseka katsi mabubu memisbun kena netanwe.
- d. ¿Tsuabun tsekai ikani?

- 3 Yuka iwe hawa min nabun unannebabu betsawen tsekai kati tapinkanimenkaindan hanua min unaki kenewe.



1 Kene yuidiama, hantxakene paxta tibi anu ibaina uinyutan hanua kemawe. Txipu min haibubaibube hatxawe.

- a. ¿Uatiandan man uinma na keska hantxakenedan? ¿Haniamen?
- b. ¿Hawa katsi keneima? ¿Haskatan min unanai?
- c. ¿Hawa kidi datan aka itidu?

2 Yuka ikabu yuiwe hanua xabakabi kemawe. ¿Haskada hantxakenedan?

Yuxin tibi  
inun kene  
hayaki.

Yuxin  
tibi besti  
hayaki.

Yaba  
unanti  
kasmal  
yuxin  
tibi besti  
hayaki.

Kene ibu  
hayaki.

3 Eskatiandan, min unaki yuka ikabu kemawe.

- a. ¿Hawa dami xiadabu taxni iki?
- b. ¿Hawa datan akai min xinanai hantxakenedan?
- c. ¿Hawa katsi hantxakene nun yuiai?
- d. ¿Hatianda besti miyuikindan min akima? Min haibubaibube hantxawe.

## Kapa yuxibu

Eskanibukiaki yudabu hatun kena huni kuinbudan mai taxipa pi hiweadan. Hanu yudabu ma hatun piti mai keyuxinken, mai taxipa bi bui hatun mae xununi keyu bunibukiaki.



Budiabumadan ainbu Juana baxibainibukiaki hau hiwe xiadabu uinkin mekenundan. Hanua ainbu penama kaxun paxku anua unpax bitannikiaki.

Hakimamadi huxi kapa haudua dami hunikidan ha bebun ninikiaki. Ainbu ewa datatei !eai eai! inikiaki. Haskaya ¿haskai min dateai? En mia bedabe wayuaai, min yudabu piti hayama buniai en ninkaxinadan anikiaki.

Haskatanaya kapa yuxibun hawen ni ibuan kupipawen yunu xiadabu beini ana haya wanikiaki xekidan, manidan, katsabadandan dasibi atan, ni medan tsakai kanikiaki.



Yudabu txintunbidan e ikeakei yuka iki ¿Tsuán hadida yunu pa waxinamen? Inibukiaki.

Hanua kapan mitutankin yuinaka itxapa bei pi haki benima haidanibukiaki, piti ba wakin nue waxun pi iki hanua ana hawa yunu xiadabu yupama haya haidanibukiaki.

**5 Txipu kene yuitandan, kamawe hanua min unaki ma kemaka kenewe.**

- a. ¿Hawa katsi miyui keneima?
- b. ¿Hawa hantxa hatxakene anua min betxixu?  
Dexunkeben anua hantxa xiadabu benawe hanua min metutiwen metu akeakewe.

**yunubu - tseka - atsa – kapa – xeki- badansia**

- Dexunkeben anua hantxa xiadabu min kene mexte xiadabuwen kekuwe hanua min unaki kenewe.

**6 Ana miyui yuiwe hanua min unaki dami wawe miyui inibuwen taexun kekunbainkindan.**

Dami hunitan kapa taxninikiaki.


Kapa nami itxapaya hunikiaki.

Huni kuin xenipabudan mapu taxipa pipaunibukiaki.

Kapandan yunu bana xiadabu xun aka taxnikeyunikiaki.

Budiabuma ainbu ewa Juana baxibainnibukiaki.

7 Yunu xiadabun kena yuiwe hanua min unaki hantxa xiadabu paxkakin hantxatude wakin kenewe.



Atsa

Asu cha

Kadi



Badansia

Mani



tama

kexi



8 Yuiwe hanua min unaki hantxa xiadabu kekunwen hantxatxaipa wabain katsidan.

itxapa Ijis bai nun tekeaa anua xeki.

taxnimaikiki hadi Txai mestebun hawen unannebabu tsekati

9 Min unaki abainti ikaina awe:

- Piti xiadabu yunubu min tsekawen hiwe anuxun min ba wai dami wawe.



# Yudabu betsabu kidi yuinankanwe

3

- 1 Yudabu betsabun tsekai ninka katsi yuinankanwe.

## Nomatsigenga yudabu anuxun xeki tekeadan

Nomatsigenga yudabu  
anuadan dabe xukua  
medibiwen ikin amisbuki xeki  
tekekindan. Hadukundan  
dayapiti wamisbuki tsekeli  
ewapaken itxabain atidan,  
hanua betsadan hatu  
nabubetans amisbuki. Hanu  
hatu nabubetans akindan, ibubundan hawai hatu  
bana bimatan hatun bakebubetans tekemisbuki.



Pancho unannepan hawen nabu hatu yusinmiski:

- Hanu ma yameken, nai bixipaipaimaya inun xumpin haida badidi betsatian ui itidumaken xeki tekei katiki.
- Hanu ma uxe babekeken, yudabundan hatun yunu bana hau ewapabui uxetiunun yukamisbuki hanua tsekabu ha pepa iyanundan.
- Ainbubainbundan xeki deumisbuki, hau ibuan buyamanundan.
- Xeki pexemixtindan paxinipaki, hadikabi betsabetsapa nun hayaki mexiupadan, taxipadan hanua xeke sankanbuden.

## 2 Txipu hantxakene y utan, min unaki kemaw e:

- a. ¿Hadatu yudabuki hantxai hantxakene anuadan?
- b. ¿Nomatsigenga yudabundan hawa abainti akani?
- c. ¿nomatsigenga yudabundan haska watan tsekakani?

## 3 Txipu hantxakene y utan, min unaki kemaw e:

Hantxatxaipabu	
Nomatsigengas tsekakayabi haidakindan ...	
Hanu ma yameken, nai bixipaipaimaya inun xumpin haida badidi betsatian ...	
Dayapiti wamisbuki hanu ...	

## 4 Yuiwe hanua min unaki kemakabu kenewe.

- a. ¿Hawa katsi hantxakene keneima?
- b. ¿Haskakin ux e babekeaya tekemisbu?

## 5 Xinanwe hanua min unaki kemaw e.

¿Yui kayakin inun yuka ikabu atixiada min kemaxu? Yuiwe.

¿Hawa min atidu kenyui pepaduakabi wakubain katsidan?

## 6

## Xuxatibudan

Daya




Dami uinwe, hantxakene yuiwe hanua hantxawe.

Huni kuin unannepa xuxa wanikandan namapan uintan isin xiadabu xuxa waikiaki. Xuxa wakin tatesdiamadan nixi pae amisbuki hanua paenxun uinkiki hawa ha yuda isin hayadan, txipu nitsukus anua nidau banabu atanaxun yuamisbuki. Nitsukus anu hikikainkin nidau yuxibu ibu, Yuxan kudu, ea aki pakadin ibainmisbuki, nidau itxapa betxi bu katsidan.



- 1 Dami uinwe hanua min haibubaibube hantxawe. Mia bedabe watiduki yuka ika tibi ibainadan.



- ¿Yudabundan hawa abainti akani?
- ¿Hawa mabubu mekani?
- ¿Hawa xuxa wamisbu na dauwendan?

- 2 Eskatiandan, min unaki yuka ikabu kemawa.

- a. ¿Hadukun dami anua yudabundan hawa wakani?
- b. Dami wawe hanua nidau banabun kena netanwe ha hakatxu dami anua min uinaidan.
- d. ¿Tsuabun habuan xuxa waidan?

- 3 Yuka iwe hawa min nabun unannebabu betsawen xuxa wa tapinkanimenkaindan hanua min unaki kenewe.



1 Kene yuidiama, hantxakene paxta tibi anu ibaina uinyutan hanua kemawe. Txipu min haibubaibube hatxawe.

- a. ¿Uatiandan man uinma na keska hantxakenedan? ¿Haniamen?
- b. ¿Hawa katsi keneima? ¿Haskatan min unanai?
- c. ¿Hawa kidi datan aka itidu?

2 Yuka ikabu yuiwe hanua xabakabi kemawe. ¿Haskada hantxakenedan?

Yuxin tibi  
inun kene  
hayaki.

Yuxin  
tibi besti  
hayaki.

Xaba  
unanti  
kasmal  
yuxin  
tibi besti  
hayaki.

Kene ibu  
hayaki.

3 Eskatiandan, min unaki yuka ikabu kemawe.

- a. ¿Hawa dami xiadabu taxni iki?
- b. ¿Hawa datan akai min xinanai hantxakenedan?
- c. ¿Hawa katsi hantxakene nun yuiai?
- d. ¿Hatianda besti miyuikindan min akima? Min haibubaibube hantxawe.

## Nidau bana inanananaikiki



- Unannepa xuxa wanikabun nidau banabu taxnimatan hanua inananankanikiki.
- Bua itsa – pisi – mae muxa – nixpuwan

**Xanen:** Itxati hiwe anu

**Badidi:** sábado 20 de noviembre

**Baditian:** 8 a 10 a.m

**Hiki katsi yukawe manehantxati 989898989,  
huni ewa Juan**

**¡HUWE HANUA IKIYUWE!  
¡NUN MIA MANAAI!**

5

## **Txipu kene yuitandan, kamawe hanua min unaki ma kemaka kenewe.**

- a. ¿Hawa katsi bana bimati keneima?
- b. ¿Hawa hantxa hatxakene anua min betxixu?  
Dexunkeben anua hantxa xiadabu benawe hanua min metutiwen metu akeakewe.

**Bua itsa – pisi – mae muxa – nixpuwan**

- Dexunkeben anua hantxa xiadabu min kene mexte xiadabuwen kekuwe hanua min unaki kenewe.

6

## **Ana hantxakene yuiwe hanua min unaki kemaka dami wawe.**

Hanuxun akai xanendan.

Mibanbu ha inanananaidan.

Yudabu habuan akaidan.

Kenabu beabudan.

Yudaabu habuki keneaibudan.

7 Yunu xiadabun kena yuiwe hanua min unaki hantxa xiadabu paxkakin hantxatude wakin kenewe.



Bua itsa

pisi

Bu a i tsə



Bixtun

Bimi xia



nixpuwan

Mae muxa



8 Yuiwe hanua min unaki hantxa xiadabu kekunwen hantxatxaipa wabain katsidan.

Haidaki Pisidan butati txakabu pepa.

Ika Bixtundan su dauki.

9 Min unaki abainti ikaina awe:

- Miban xiadabuwen min hiwe anua xuxa katsi min memisbu dami wawe.



# Yudabu betsabu kidi yuinankanwe

3

- 1 Yudabu betsabu anua xuxaibu ninka katsi yuinankanwe.

## Yanesha yudabu anua nidau banabudan

Yaneshabundan xuxa wakindan xana bidi akindan, naximakindan, puxakindan, tsistewen kuin dapua akindan haska wamisbuki.

Na xuxa wakindan huni inun ainbu unannebabun amisbuki. Betsa-betsapawen hatu amisbuki ni peidan, bastedan, tapunwendan, nixiwenda hanua betsa tibiwen haska isin hayawen hatu amisbuki.

Dasibi nidau bana yumeibudan yanesha yudabunadan mawa mestennepa haidabuki, hakia hawen isin xiadabu xuxa waibudan hanua mekemisbuki hawen yuda betsa isin teneai hawai xuxa watidan.



Hatun axu: Celia María Colina Cruz

- 2 Txipu hantxakene yuitan, min unaki kemawe:

- ¿Hadatu yudabuki hantxai hantxakene anuadán?
- ¿Yanesha yudabu anuxundan tsuabun akani xuxa wakindan?
- ¿Xuxa wa katsidan hawa miban mekaní?

3 Min unaki txaniai kenewe haska hantxakene anua taxni kekui pekainaiwenda.

Nidau  
banandan  
nuku xuxa  
wakin medabe  
waikiki hanua  
nun ana isin  
teneamaki.

Yaneshabundan  
betsa-betsapa  
tibibu xuxa  
wakanikiki.

Yanesha  
unannepabundan  
nidau bana  
xiadabuwen xuxa  
wakanikiki.

4 Min haibubaibube hantxawe hanua medibi xukutan min unaki kemawe.

Javier hantxai nidau  
bana meadan  
nuku unanumati  
medabe waikiki  
ikikiki. ¿Txanimamen?  
¿Haskaimen?

¿Min uinadan  
mestennepatani  
ha min yuixudan?  
¿Haskaimen?



## 7

# Miman wandan

Daya




Dami uinwe, hantxakene yuiwe hanua hantxawe.



Hanu ma paxku inun kaya unpax netsuai taeayadan, huni kuinbundan unankanikiki ma badian bana kainayadan hanua hanu ma mapu bi bukanikiki maimiman wa katsidan.

Kadiama uxá namai ainbu haundua uinmisbukiaki, ha haska yuiadan mapu haudua itxapa betxitikiaki.



**1 Dami xiadabu uinwe hanua min haibubaibube huni inun ainbube hantxawe. Mia bedabe watiduki yuka ika tibi ibainadan.**



- ¿Huni kuin ainbubaibundan hawa abainti wai ikani?
- ¿Hawa nitsukus anua bikani?
- ¿Hawen hawa wati iki mapudan?

**2 Eskatiandan, kenewe hanua min unaki kemabu dami wawe.**

- a. ¿Huni kuin ainbubaibundan hawa mabu wakin dami wakani?
- b. ¿Hawa mabubu betsá huni kuin ainbubaibun maimimankin dami wa katsi mekaní?

**3 Min nabunbe yuka iwe miman kidi unannepa betsadan hanua min unaki dami wawe.**



- 1 Kene yuidiamma, dami inun hantxakenen kena uinwe.  
Txipu min haibubaibube hantxawe.

## Huni kuin maimimandan




- a. ¿Yudabundan hawa wakani?
- b. ¿Hawa kidi hantxakene datan aka min xinanai?
- c. ¿Maimiman kididan hawa min unanai?
- d. ¿Hawa katsi hantxakene nun yuiai?
- e. ¿Hatiandan besti hantxakene haskadidan min yuima?

2

## Eskatiandan, hantxakene ikaina yuiwe.

### Huni kuin maimimandan

Nukun bets-a-betsapa



*“Nikayabi anua habu bitan atidan”*

Mapu

Nitsukus  
anua betxitiki,  
maimiman  
watidan.

Mai  
puxa  
tibi

Paxku tibi  
kesemen  
anua betxitiki  
hawen sankan  
watidan.

Hatun axu: Pedro Ramírez

3 **Txipu yuitan, kemawe hanua min unaki kematian kenewe.**

- a. ¿Hawa hawen atibu biti maimiman katsidan?
- b. ¿Hawa biti hi kuxakiadan?
- c. ¿Hawa wa karsi meti mai metsa tibidan?

4 **Hawen kenetibu kekuwe hanua min unaki hantxa xiadabu kenekin pe wawe.**

P A M U

A M O H U A C

A N L L A C A

5 **Min haibubaibube hantxawe hantxa kekubaina hawa yuia ikimenkaindan.**

“Nikayabi anua habu bitan atidan”

“Huni kuin maimimandan”

**6 Dami uinwe hanua min haibubaibu ainbubaibun hawada waibu hatu yuiwe.**



Eskatiandan, min unaki na yuka ikabu kemawe:

- ¿Hadatu mabuwen kentxa kenemisbu?
- ¿Hawa mabu meti hau kentxabun kene puxakayamanundan?

**7 Ana hawendi uinwe hanua hantxakene yuiwe. Eskatiandan, yuka ikabu xabakabi kemawe:**

¿Hawa hantxakene tibi min yuima?

¿Hawa katsi hantxakene keneima?

**8 Min unaki min kemaxu dami wawe:**

- ¿Min hawa watidu huni kuinbun maimiman tapin haida katsidan?



# Yudabu betsabu kidi yuinankanwe

3

- 1 Yudabu betsabu anuxun maimimanaí ninka katsi yuinankanwe.

## Shipibo yudabu anuxun maimimanaí

Shipiba maimimandan ainbuns besti amisbuki; ha ainbu dayakindan mapubi mixpubu inun hi apacharama xukuyabi amisbuki, mapu menikandan unanxubida kamuskin has wakin dasi wamiski. Txipu hadi akai waxun, hanua hawen kenekin nenkatiwen ukemedan inun xabakan dadenkede akikiki selva anua bimi xaka kuxi haida tutumowendan.



Xiumu ewapabu wamisbuki yuinaka keskabu wakindan xawe wakindan mae anua peiyabu keska wakindan. Xiumu betsabu-betsapadan keneabu haunduabuki.

Ha anua bia: <https://www.infoceramica.com/wp-content/uploads/2011/01/Shipibos11.pdf>

- 2 Txipu hantxakene y utan, min unaki kemawe:

- ¿Tsua yudabuki hantxai iki hantxakene anudan?
- ¿Shipibo yudabun ainbubaibundan hawa abainti akani?
- ¿Shipibo ainbubaibundan haska watan maimimankani?

### 3 Min haibubaibube hantxawe haska ha yuaidan:

Mapu menikandan unanxubida kamuskin has wakin dasi wamiski.

Nenkakin ukemedan inun xabakan tutumowen amisbuki.

### 4 Min unaki yuka ikabu ibaina kemawe:

- ¿Haska itsadidan min betxiao yagua maimiman inun shipiba maimimankin akaibudan?
- ¿Min xinandan mestennepamen yudabu betsabu anua maimimanai unanti wadan? ¿Haskakinmen?

### 5 Xinanwe hanua min haibubaibu huni inun ainbube hantxawe.

¿Yui pe wakin inun yuka ikabu atixiada min axu?  
Yuiwe.

¿Hawa min watidu keneyui pepaduakabi wakubain katsidan?

## 8

## Tsakadan

Daya




Dami uinwe, hantxakene yuiwe hanua hantxawe.

Hanu ma tsakatitiankendan, kaxinawa hunidan namai pea kamiski tsakaidan. Hanu namai yunu iai inun ainbu himi ikai namadan, yuinaka aki kai namai imiskiaki, haska kaini ni medan kaxun yuinaka itxapa amiskiaki.

Hanua, dunu namai inun hawada mese namadan kaismaki nama txakawen taea dunun mukutidudan. Kayuama badidi betsatian manaxina kamiski tsakai kaidan.



- 1 Dami uinwe hanua min haibubaibube hantxawe. Mia bedabe watiduki yuka ika tibi ibainadan.



- ¿Dami anua yudabundan hawa wai ikani?
- ¿Hawa mimanti mabubu mei ikani?
- ¿Yudabudan hani xanen anu ikabu?

- 2 Eskatiandan, min unaki yuka ikabu kemawe.

- a. ¿Tsuabun besti amisbu yuinaka tsakakindan?
- b. ¿Hawa katsi piakuin memisbu?
- c. ¿Hawa mabubu hawen tsakati min uinmis?

- 3 Yuka iwe hawa unannebabu min nabun nidaubana hawen xuxa wati pe wa tapinkanimenkaindan.



# Yuinankanwe

2

1 Kene yuidiamma, hantxakene paxka ikaina uinwe. Txipu min haibubaibube hantxawe.

- a. ¿Hawa iki hantxakenedan?  
¿Uatindan min uinma  
habiaskadidan?
- b. ¿Hawa kidi datan aka min  
xinanai hantxakenedan?
- c. ¿Hawa katsi hantxakene min  
yuiai?
- d. ¿Hawa min unanai yuinaka  
tsaka kididan?



2 Min unaki na haskasma hantxakene dabekia min  
betxiai kenewe.

**Iniyuixta**



**Keneixta**

3

### Eskatiandan, hantxakene ikaina yuiwe.

#### En yudabu anuxun tsakaidan

Pedro,  
yametian  
yuinaka  
itxapabu en  
namaxuki. J

¡En hen, en  
isinaai!

¡Haska pemen!  
Haskakendan  
tsakanun  
bukanwe. Pe


¿uinwe hunu  
yawadan P

Uina, ma  
bidun anu  
hikixidan J

Juan unanxubida  
hantxananwe,  
nun yuinaka  
datetidukidan. p

¡En  
benimaai!  
Nun nami  
itxapayaki j

¡namu,  
namu!  
Kawa nue  
pe nun  
piaai p



4 Txipu yuitan, kemawe hanua min unaki kematian kenewe.

- a. ¿Iniyuixtadan hawa kidi datan aki?
- b. ¿Tsuabu yuda xiadabu ikani?
- c. ¿Tsua namani yuinaka itxapadan?
- d. ¿Hawa yuinaka tsakanibu?
- e. ¿Hadatu yuikenyanbu ibaina hamamen?

1

Unaxubidan  
hantxanibuki.

2

Nami itxapaya  
bunibuki.

3

Hunu yawadan  
bidun anu  
hikiama ixuki.

5 Iniyuixta anua iyamabu ibaina yuiwe hanua min unaki kekun pe wabainkin kenewe.

Pedron Juan ha pesnun yuiniki.

Juanen hunu yawa bidunki hikidiama uinniki.

Nami itxapaya hiwe anu bunibuki.

Pedro yuinakabu namaniki.

**6 Min unaki yuka ikabu ibaina kematan kenewe.**

¿Haskatan  
iniyuixta taei?

¿Txipu hawa  
haskani?

¿Haskatan  
iniyuixta deskei?

**7 Hantxakene hawendi ana yuiwe hanua min  
haibubaibube yuka ikabu kemai hantxawe.**

¿Iniyuixta anudan hadatu yuda xiadabu ikani?

¿Pedron namadan haskada mia uinmai?

¿Pedron namadan haskada mia uinmai?

**8 Min unaki abaintibu ibainabu awe:**

- ¿Hadatu ini Pedro hatxakin Juan yuikin peswe anidan? ¿Hadatu ini ha hunu yawa ma bidun anu hukixuki ikidan? Dami wawe.
- ¿Miyuixta yuidan min betxipaixu? ¿Haskaimen?
- ¿Min hatu yunutidu tsuanda ha miyuixta yuinundan? Yuiwe ha min hatu yuitidudan.



# Yudabu betsabu kidi yuinankanwe

3

- 1 Yudabu betsabu anuxun tsakai ninka katsi yuinankanwe.

## Achuar yudabu anuxun tsakaidan

Hanu hunibu Achuar  
yudabun tsakai  
buidan pia xiadabu  
katubainmisbuki,  
xesindan, bidun  
watidan, tun itidan  
habu bumisbuki.



Yamenapun, nitsukus anu kadiama, ha dabi “wayus”, hanu wayusa kuaxun nuxukin akatian atan, hunibudan ma tsakai bu katsi pe wamisbuki. Ha anua haska namabu txanimisbuki hanua unannepabun hatu yusina nikamisbuki. Hawaida tsaka pe wa katsidan, dekuyabundan yuinaka hui mawa tapinkanikiki.

Hatun axu:

- 2 Min unaki kemawe:

- ¿Hantxakene anuadán tsuabuki hantxai?
- ¿“wayus” hawa yuia iki?
- ¿Hawa katsi dekuyabun yuinakapan hui mawa tapinti?

3

### Hantxatxaipabu ibaina yuiwe hanua hantxakene ikainawen taea kekunkin kenewe.

Yametian tsakai budiabuma itxatan ha badi wayus akanikiki.

Tsakanikabundan yuinakabun keu mawa tapintiki.

Hunibundan tsakati mabubu katukanikiki.

4

### Min haibubaibube hantxawe hanua medibi xukutan kemakanwe.

¿Mestennepaki  
ixun min  
unanti wai  
mae betsabu  
anuxun medibi  
tsakaibudan?  
¿Haskakinmen?  
Yuiwe.

¿Min uinadan  
hantxakene  
taxniaidan  
mestennepa ixu?  
¿Hankaimen?



¿Hawa haska  
keskabu  
Achuar  
yudabu inun  
min yudabun  
tsakaibu min  
betxai?









# El Acuerdo Nacional

El 22 de julio de 2002, los representantes de las organizaciones políticas, religiosas, del Gobierno y de la sociedad civil firmaron el compromiso de trabajar, todos, para conseguir el bienestar y desarrollo del país. Este compromiso es el Acuerdo Nacional.

El Acuerdo persigue cuatro objetivos fundamentales. Para alcanzarlos, todos los peruanos de buena voluntad tenemos, desde el lugar que ocupemos o el rol que desempeñemos, el deber y la responsabilidad de decidir, ejecutar, vigilar o defender los compromisos asumidos. Estos son tan importantes que serán respetados como políticas permanentes para el futuro.

Por esta razón, como niños, niñas, adolescentes o adultos, ya sea como estudiantes o trabajadores, debemos promover y fortalecer acciones que garanticen el cumplimiento de esos cuatro objetivos que son los siguientes:

## **I. Democracia y Estado de Derecho**

La justicia, la paz y el desarrollo que necesitamos los peruanos sólo se pueden dar si conseguimos una verdadera democracia. El compromiso del Acuerdo Nacional es garantizar una sociedad en la que los derechos son respetados y los ciudadanos viven seguros y expresan con libertad sus opiniones a partir del diálogo abierto y enriquecedor; decidiendo lo mejor para el país.

## **2. Equidad y Justicia Social**

Para poder construir nuestra democracia, es necesario que cada una de las personas que

conformamos esta sociedad, nos sintamos parte de ella. Con este fin, el Acuerdo promoverá el acceso a las oportunidades económicas, sociales, culturales y políticas. Todos los peruanos tenemos derecho a un empleo digno, a una educación de calidad, a una salud integral, a un lugar para vivir. Así, alcanzaremos el desarrollo pleno.

## **3. Competitividad del País**

Para afianzar la economía, el Acuerdo se compromete a fomentar el espíritu de competitividad en las empresas, es decir, mejorar la calidad de los productos y servicios, asegurar el acceso a la formalización de las pequeñas empresas y sumar esfuerzos para fomentar la colocación de nuestros productos en los mercados internacionales.

## **4. Estado Eficiente, Transparente y Descentralizado**

Es de vital importancia que el Estado cumpla con sus obligaciones de manera eficiente y transparente para ponerse al servicio de todos los peruanos. El Acuerdo se compromete a modernizar la administración pública, desarrollar instrumentos que eliminen la corrupción o el uso indebido del poder. Asimismo, descentralizar el poder y la economía para asegurar que el Estado sirva a todos los peruanos sin excepción. Mediante el Acuerdo Nacional nos comprometemos a desarrollar maneras de controlar el cumplimiento de estas políticas de Estado, a brindar apoyo y difundir constantemente sus acciones a la sociedad en general.

